

杭州府志

一五

杭州府志卷二十四

山水五

仁和縣

鳳凰山 在仁和縣南十里與錢塘縣接界自唐以來州治在山

右宋建行宮山遂環入禁苑元末張士誠築城始截山於城外一統

志昂頭布尾若翔而集淳祐志兩翅軒翥左薄湖潯右掠江濱形若

飛鳳西湖游覽志鳳凰山臨安之案山也山勢自西北掀騰而來至此

山止分左右二翼大內在山之左腋端誠殿在山之右腋後各有

山包之地險且壯實一都會雲麓漫鈔杭城王氣盡屬於是聖果寺志

吳衙山 在鳳凰山下俗呼饅頭山宋大內之案山也雲麓漫鈔

艮山 在城東北隅一小土阜耳而以山名之蓋亦地脈近海之

所蟠結也

圖書集成

艮山東麓南渡宸遊看新綠處

歲寒堂集

按艮山雜志云山有地脈者當亙古不變今艮山日就陵夷存僅丈許似未必爲地脈蟠結元沈德章撰艮山土神廟記云雉堞之餘築爲土臺可知此阜所由來矣宋紹興時東北城門已具有艮山名者艮爲東北之卦門位東北命之曰艮兼山爲艮命之曰艮山不必實有山也後人執而不化必求其山而此地適有此阜遂相從指實之耳咸淳志載諸山甚詳未收艮山豈近在負郭且榜諸城門而獨爲闕略耶

皋亭山

錢塘縣有皋亭山

唐書地理志

今屬仁和在縣東北二十里

萬曆志

高百餘丈雲出則雨

宋祥符圖經

山上有石城周迴十里

太平寰宇記

皋亭山三字扁甯宗御書

咸淳志

山高四百丈上多桃竹果樹

名勝志

山當往來之衝宋德祐二年元兵從長安鎮進次皋亭山明初李

文忠取杭州分遣茅成駐皋亭山蓋府境必備之險也

讀史方輿紀要

宋

時皋亭諸山極盛南渡兵興設置戎壘而古蹟漸亡今山前後桃

花最繁延播十里遊人載酒往來婦女入半山祈蠶清明時絡繹

不絕

康熙和縣志

皋亭山城北諸山最高者前有半山掩其脊故冬月

常積雪湖墅望之宛如玉柱名曰皋亭積雪為湖墅八景之一

錢塘

遊覽

記 皋亭山杭人亦曰東皋

佛日勝記

按郭北三山志云皋亭之名唐書已載白文公祈皋亭神文

自注云皋亭山在東北至南宋甯宗又標三字爲扁而宋元

人多書作高亭者一見周必大南歸錄再見汪莘方壺集三

見文天祥指南錄四見劉一清錢塘遺事五見鮮于樞遊記

六見杜綰雲林石譜七見釋念常佛祖通載更有作蒿亭者

見元人度柳翠雜劇有作皋甯者見五燈會元要皆非別文

於山 皋亭西北二里小山也高十三丈周一里

康熙縣志

橫山 在皋亭西高不下百丈

萬曆志

俗呼馬鞍山與於山皆離皋

亭而立中隔支河山下有黃村亦名橫山村

郭北三山志

青龍山 在皋亭東高七十餘丈山脊蒼翠偃曲如龍

清祐志

又有

莫山在青龍山之東又有碁盤山與青龍山相對中跨一澗

康熙縣志

烏頭山 在肇元鄉青龍山東高八十餘丈峰銳而秀

清祐志

按康熙仁和縣志云萬厯志載阿媽山於皋亭之後又別載烏頭如舊沈蘭先親訪其地青龍之東有莫山莫山而東爲阿媽山又東則水尖山而無所謂烏頭者按成化志則烏頭當居青龍石姥之中而又無阿媽山疑阿媽山卽烏頭之俗名俗名著則原名反晦矣

石姥山 在烏頭山東高五十餘丈有嶺南接運河塘赤岸嶺之

西有眞珠塢

清祐志

按烏頭山當卽莫山石姥山當卽阿媽山莫音近墨有烏義媽音近姥故稱石姥爲阿媽也

龍珠山 在縣北三十里一名巧山一統志在肇元鄉五都高約六

七丈形圓象珠與皋亭黃鶴衆山相望淳祐志俗傳錢王七夕登山

乞巧於此故亦名巧山名勝志山勢奇秀巔有井出自天然非人工

所鑿康熙縣志

古城山 在龍珠山東一里高十餘丈上有錢王寨城基猶存圖書

集成在巧山東北石姥山西南高十餘丈周一里俗名磨盤山北爲

兔山康熙縣志

按太平寰宇記言皋亭山有石城蓋指此

黃鶴山 在仁和縣舊治東北三十八里宋祥符圖經黃鶴山者仙人

王子安乘鶴過此因名續齊諧記在佛日山南高約百餘丈巔有龍池

一名渥洼池出雲必雨又有潭在山之東黃鶴峯爲皋亭諸山

最高處

李檀園
集自注

按太平寰宇記黃鶴山有黃鶴樓成化志云山有黃鶴權權
卽樂記樓字之誤嘉靖仁和縣志遂謂黃鶴權修道於此後
人更謂黃鶴公名權者輾轉支離可發一粲又朱國楨湧幢
小品言峯下周老人得老君石象忽搏空去其時松花盛開
羣鶴廻翔花撲起鶴皆黃故以名峰此說亦好事者爲之均
見郭北三山志

水尖山 在青龍山東高二百餘丈按縣志在烏頭山東黃鶴山

南

圖書
集成

大旗山 在黃鶴山北高約五十餘丈有青草隄咸淳志

南山 在大旗山北東南與佛日夾境為杜牧隄咸淳志 去城北五

十里高二十七丈周五百十五丈咸化志

南鮑山 在南山北高約十餘丈咸淳志

泰山 在南鮑山北高約十五六丈咸淳志 杭州皋亭山後泰山出

石雲林石譜

母山 在縣東北西與黃鶴山相接亦名鳳凰山羣山中最為高

聳直上五百丈綿亙十五里張翼左右如母顧子亦名母顧山一統

志 宋志名母山土人則稱鳳凰山康熙縣志

佛日山 在母山東北高約六丈淳祐志 亦名佛日隄溪流屈曲叢

木交映水底怪竇如瑪瑙色細蒲翠滴至此者竟日忘返山徑有

大松數株皆唐宋時物隴盡處大洞如屋爲黃鶴仙洞

武林梵志
厲鶚佛

日山游記甲寅月正九日約王曾祥丁敬汪沆同舟出郭門搖兀
五十里過赤岸桐扣進湯家堰捨舟而陸桑野沃衍可喜望兩山
嵌空互複中諸峯巖巖狀如爭獻瑰瓌一峯爲儕輩所懷如墮其
協獨高絕處闐然不能匿春寒薄陰餘雪晶晶離離爲之目誘心
奪于千仞之表卽黃鶴峯也緣谿行水漸狹漸清石子五色布散
被以荃蒲蘊苔綠縹如洗旁多古櫟大松或欹或直行且翫入寺
嚙黑矣向主僧借楊畢復走寺前左偏石橋上橋下爲潭亭面橋
萬竹翳亭後時氛靄四合晞晷不可辨惟聞泉籟淒夏瓦雪釋雷
旁睨有怪梅臨潭上始着花潭氣鏡空晃晃激花上縞幽耀冥光景
奇絕少選片月出林表朧朧微露人影靜對不足寺門欲闔歸宿
東廡之樓下月轉寒偃相與賦詩未就起視殿閣角一小山賺平
而椒銳沈碧近人達旦視之叢灌也十日澄霽僧具粥已引余輩
取徑寺後循東麓下溪中多大石陂陀隱見水漫流其上勢偃怒
殺則如鼓絲鳴玉之聲始嘆坡詩土肉山骨之句爲善寫物狀窮
水源得龍藏泉石裂若蛻虬然陟崖腹得龍洞頂平若堂左折而
上爲仙姑洞口仰出若壺俯而闚黝然深且下稍進又一穴其深

不測衆皆掉慄莫敢
入日未亭午別僧歸

魏花山 在佛日山北高二十七丈周五百十五丈

萬曆志

桐扣山 在縣東北五十里下有石鼓湖

一統志

吳郡臨平岸崩出

一石鼓槌之無聲武帝以問張華華曰可取蜀中桐材刻作魚形

扣之則鳴如其言聲聞數里

晉書張華傳

按周必大南歸錄云桐扣以張華得名俗云同口非也而宋

史河渠志載政和時張閣奏言潮薄巖門白石北鉅赤岸甌

口止二十里則北宋又嘗作甌口也明僧雪江詩集作桐口

曹氏名勝志作銅扣說見郭北三山志

贊山 運河之南爲贊山一名王陵山西北爲蔡姑山高十丈

萬曆

志

按乾隆志云贊山在桐扣河南舊志與雞籠並書相去甚遠

黃山 在縣治東北五十里高五十丈周一里北一里為東西二

橫山皆相連絡高三十丈周五里萬歷志在桐扣山北黃溪在其下

康熙縣志橫山去皋亭東北二十里豁堂同凡草

臨平山 在縣東北五十四里平曠逶迤無崇岡修阜其嶺一名

邱山一統志山高五十三丈周迴十八里宋祥符圖經形如駱駝蔡京葬

其父於此築塔於駝之峯城東北諸山皆自吳山委脈至臨平而

中斷由是北百餘里方露含山一小阜郭北三山志

茅山 在小林村中其西有丁山有鼈山康熙縣志

瓶山 在臨平鎮廣嚴寺之側乃宋時沽官酒處碎甓堆積久成

一阜其旁取土者猶得遺瓶也俗稱平山

郭氏正誤

鶴山 在縣北五十里高祇尋丈

康熙志

蛾眉山 在縣北四十七里

太平寰宇記

三峯山 去縣北四十里其東山高十五丈周五里西山高十八

丈周四里南山高十二丈周一里

咸淳志

鄉人呼爲西南山三峯形

如品字皆相去半里

舊浙江通志

石青山 在三峯山東峯之北半里突起坂中形如覆掌上有大

石如屏

康熙縣志

丁山 在超山西南二里高二十丈周廻二里

圖書集成

自丁山湖折

入支港東行里許水又增闊廻汀曲渚之間丁山在焉松竹蒙密

其外村落環繞

唐樓志略

按乾隆志云臨平唐樓間有丁山凡四此其一也一在小林村茅山之西縣志亦錄今已凌替但有僧菴曰丁山菴一在五雲星橋東北其下亦有小湖一在唐樓鎮南因丁養浩父築讀書莊得名高只尋丈而里皆專丁山之名於彼呼此爲小丁山焉諸山俱渺小土阜可不登載特以地近名同易致淆混因連及之

超山 在縣東北六十里縣境諸山多皋亭黃鶴之支隴此獨超

然突峙因名有龍洞可禱雨

一統志

高三十七丈周二里有石魚石

筍咸淳志

山石多異形有如人獸狀者

康熙縣志

山之巔俗名天門門內

爲龍王廟廟後石最巉巖狡獸不敢越俗名跌殺虎山有石蠶生

焉

郭北三山志

龜山 在超山稍北半里高二十丈周一里又北爲馬鞍山

康熙縣志

里中無他山便以龜馬諸山爲巒岫其實皆土阜耳

康熙志

馬山 在龜山北高四十丈長三里其西爲白栗山

唐樓志略

按唐樓志略馬山縣志作馬鞍山

白栗山 高二十丈周里許直走溪河其麓爲白栗橋

唐樓志略

土山 高如丁山突起平坂中其山多土無石質鬆性潤宜種花

凡栽蘭菊者多攜畚鍤取之

唐樓志略

獨山 在縣北四十里亦名金鼇山上常有雲氣橫溪繞其下一統

志

山在大雲鄉約高數十丈每出雲晴則雨雨則晴里人占之屢

驗咸淳志

以其雲出晴雨獨異于衆峰故名

名勝志

獨山高出一方旁

無別山故名

嘉靖縣志

小山 與獨山毗連秋杪冬初霜風作肅葉光如醺每有游人攜

酒賞玩于此

橫溪十詠序

瓜山 去武林門十五里有大瓜小瓜綿綿齊墟夾岸連勢向北

一瓜稍大南則橫橋連帶橋北有禰正平祠俗謂靈石浮來亦稱

爲靈石廟

神州古史攷

相傳昔有香爐一座漂至三足皆龍爪舉之須

四人因封爲瓜山土神

嘉靖縣志

按古史攷作瓜縣志作爪舊志兩說並載訖無折衷存之俟

攷

洛山 在縣北四十里高五十八丈周一十八里咸淳志望洛山一

名洛在縣北六十里昔有高士自洛陽來隱此常登巔望洛故名

名勝志陡峭如削艱於登陟胡柳堂遺稿四面皆平原惟此山突起森聳

溪流環繞迤南為陡山東為蛾眉山去陡山而東為獐山為兪山

西接大溪萬曆志

東山 在縣西北五十一里高二十六丈五尺周迴七百九十三

丈六尺古今圖書集成杭州之勝龍山據其首東山臥其背西征記

橫峰山 去城西北五十里高一十五丈周迴五里咸化志